

藍山縣圖志

于氏



藍山縣圖志

手書

田

藍山縣圖志卷三十二

人物篇第十之十 列女傳上第五十五目錄

雷毛姑 黃常鶚妻 雷廣電妻 黃琥妻 朱富英妻 蔣發

興妻 黃德衡三女 廖紹容女 咸同間死難諸婦女 己未死

難者 雷孔縉妻鄧冬發妻李盛章女梁谷政戶女李壽喜妻蕭正

土才妻厲彥瑁妻雷起樂女顏永祿妻女劉興祖妻 庚申死難

黃朝佐妻孫貽謀妻廖定芹妻鄧翊漢妻胡仁代妻 未著年時死難者 李光斗女鄧高升

者 唐士興妻厲際清妻唐 妻廖時暹妻黃文

琅妻劉龍光妻劉程郊妻劉程相妻高賤發妻 鍾志錄貞女烈

顏天發妻女雷滿貴女劉張誦妻陳崇達妻 鍾志錄貞女烈

女節烈婦 貞女 李植著女 李女梅鳳 烈女 唐徽典女 彭

華 烈婦 黃文梁妻 唐亮采妻 鍾志錄舊增新較異諸節孝

女 黃萬學妻 唐顯儒妻 鍾志錄舊增新較異諸節孝

婦 廖希韶妻 廖宗夏妻成重瑯妻廖治基妻陳逢初妻 陳繼熊妻成均時妻朱九

徵妻陳言妻厲潤之妻鄧光祖妻 陳大經妻鄧義昭妻黃柏遠妻廖興官妻廖功

成先春妻成先眷妻封用成妻

燮妻陳克慰妻成其蔚妻龍恩仁妻李家巍妻唐 蕭崇璋妻

道球妻蔣榮珠妻蕭祖達妻蔣榮享妻雷希琳妻

成廷祺妻 雷廷禧妻 廖應楨妻 封道炎妻黃大惠妻鍾德崧妻彭士楚妻蕭綿

瑗妻蕭 楊賢階妻黃堯衢妻厲復統妻 封永爵妻阮隆佚妻

福祿妻 厲彥璋妻黃義蓬妻

陳先知妻弟俊英妻及 廖紹鏞妻廖功鍾妻廖功訓妻

炯妻 妾黃仁顯妾 廖紹鏞妻古光祖妻成天鑒妻

蔣榮 李繼先妻李昭典妻曾毓燕繼妻李業榮妻 唐世態妻

魯妻 厲俊芝妻陳良德妻楊世康妻

藍山縣圖志卷三十二

人物篇第十之十

列女傳上第五十五

劉中壘傳列女。設爲母儀。賢明。仁智。貞順。節義。辯通。諸目。以登來之。范蔚宗後漢書。因而立列女傳。歷代史家。多沿其例。方志莫能外也。夫坤道承乾。存乎陰教。仁義所繇。以立世典。所不宜漏。然如漢書通紀。漢代所載。鮑宣妻之屬。才十餘人。體例爲精嚴矣。今世九州郡邑之志。臚列士女。多至千數百人。委衡窮瘁。庸行相埒。遺甲棄乙。懼有偏佚。亦纂述者之苦心歟。王湘綺桂陽州志。列女傳。藍山入傳者。雷毛姑等八人。入表者。節婦明時五人。清三百三十

三人又貞孝三人。烈女十四人。烈婦三十三人。太抵皆遇變立節。一至之行焉。康熙間。藍山志。劉教諭世臣編次列女。亦條分曰孝。曰貞。曰烈。鍾志沿其例。紀錄至四百餘人。然如中壘目列母儀。賢明。仁智。辯通者。乃尠有聞。夫變則勸節。而常不崇德。亦非所以備女教也。且一代興亡。恆視夫女德隆替。若詩譔太任。褒姒。美刺彰已。下逮一身一家。何莫不然。嘗見里巷居室。往往以得母若婦之儉共賢淑。而後家道以康。子孫以成其業。風俗以歸於厚。證諡人事。殆百無一失。此誠女教之本原。家庭之圭臬。人治之椎輪也。嗟乎。藍山爲重華勤野。皇英型化之鄉。婦女之明恥知禮義。蓋其素習。其以節孝聞者。宜其多矣。賢母令妻。取勸世義。又惡可闕。今並

與擇尤錄傳以貽彤箚。而凡節孝貞烈事例較簡者具表務詳云爾。

雷毛姑

雷毛姑者某鄉某邨雷廷惠之女也。明英宗天順間。徭獐之亂。縣城破。居民四竄。廷惠盲曰。不能走。毛姑年方及笄。獨侍父側。哀哭賊至。拒污罵賊遇害。嘉靖初。永豐陳唐甫知縣事。訪求節義。縣人首稱毛姑。卽立祠曰烈孝祠。以祀。劉教諭世臣云。姑當造次顛沛之頃。侍父不去。孝也。被執不污。貞也。罵賊而死。烈也。又云周鄭二志俱削其立祠事蹟。殊不可解。通志所紀亦微有異。考天順寇變。旋經殄平。陳唐甫爲姑立祠。在嘉靖初。謝志修於萬曆初。二令相

去不過四十年。其間亦無兵亂。爾時姑祠尙存。芳聲未遠。謝志信無可疑。今據謝志特揭之。以冠列女。闡潛光。端化源也。

黃常鶚妻

黃常鶚妻封氏。常鶚死。子幼。封氏悉舉田產。畀夫弟。夫弟亦受不辭也。別籍所入。供嫂衣食。餘盡藏之。卽急不敢取用。及封氏子長。入縣學爲諸生。出契券悉還之。儲積金穀甚饒。封氏受田卻金。弟又固讓。乃復合居。州志所載如此。縣志云。封氏黃常鶚妻。庠生黃愷媳也。年二十一。夫死。治喪畢。詣舅姑前曰。所不引訣者。以子方周歲。冀撫成立耳。盡出夫遺蓄三十餘金。獻於舅姑。未幾舅姑繼逝。析產六十金。布八十疋。田五十畝。概付夫弟。母子僅給壅飧而

已子玉藻游庠序歸田而卻金時有匱乏無怨色及長孫學儒入學謁聖歸封氏曰吾推金守約所望於汝父子者今稍慰矣一疾而終年七十有八事實有詳略爲并記之

雷廣電妻

雷廣電某鄉某邨人妻黃氏康熙時吳三桂叛清湖南陷諸縣人多奔逃入徭洞黃氏年二十二廣電死獨居足不出戶鄰里哀護之既免於難官軍經過擾亂有武官素聞黃氏美欲強取之黃氏斷髮毀容誓以死拒軍人盡不直武官所爲事乃得已後知縣爲請旌焉蓋寡居五十年久節著矣

黃琥妻

黃琥妻雷氏者有令問。琥篤學家貧。雷氏紡績資膏火。琥遽死。水漿不入口者七日。娣姒強之食。輒泣曰。夫生與生。夫亡與亡。吾志決矣。尋檢琥遺書文字。悉焚之。引刀自剄死。死之日。羣烏環廬。悲鳴不去。眾歎異之。

朱富英妻

朱富英妻成氏。將昏而婿病。父母欲弛期。更擇日。女知其意。三曰。不下樓。乃乘吉嫁之。富英病甚。侍湯藥。供婦職。然異牀寢。相接如賓。頃之富英死。成氏操井曰。事舅姑。撫兄公子。爲夫後。嫠居五十四年。

蔣發興妻

蔣發興妻李氏。鳳感鄉人。勤於婦職。孝親行義。里鄙交稱。咸豐十

年庚申。

州志作五年。縣志作庚申乃十年也。

寇亂。舅翁及夫俱被擄。翁爲賊所殺。李

氏聞而懷挾利器。闖入賊壘。覓舅屍而哭。且哭且罵賊。欲得殺舅者而甘心焉。賊羣脅以刃。罵不絕口。賊帥激怒。剗李氏腹。挂腸林樹間。旬日烏鳶莫之近。面色如生。

黃德衡三女

廖紹容女

州志載咸同間寇亂。藍山女子死烈者。大慈鄉黃德衡三女。長者名元鳳。當咸豐二年。寇初至。不及遠避。元鳳偕兩妹登樓去梯。冀免暴辱。賊揚言焚樓。元鳳厲罵之。遂積薪樓下。三女俱焚死。而咸豐九年。鳳感鄉人廖紹容女。字蕭未嫁。年十七。隨父匿山澤間。賊

見而欲污之。拒罵不絕口。身中十餘創。紹容出救女。賊殺之。女乘間奔投水死。越七日收斂。屍體無完膚。而面目如生。

清咸豐間死難諸婦女

己未死難者

雷孔縉妻

鄧冬發妻

李盛章女

梁谷政

何善才妻

李真保女

李登榜妻

蕭正名妻

梁有源女

李士才

妻

厲彥瑁妻

雷起樂女

顏永祿妻

厲魁倍女

劉興祖妻

黃朝佐妻

孫貽謀妻

廖定

芹妻

鄧翊漢妻

胡仁代妻

庚申死難者

唐士興妻

厲際清妻

厲繼儀妻

未著年時死難者

李光斗女

鄧高升妻

廖時暹妻

黃

相妻

高賤發妻

文琅妻

劉龍光妻

劉程郊妻

劉程

雷滿貴女

劉張誦妻

陳崇達妻

鍾志錄死難婦女。莫多於咸豐己未。石達開兵竄境之役。明年庚

申亦見數人。又不著年時。以拒賊污死者。往往而有。皆禮義自守之效也。

己未死難。凡二十一人。曰鳳感鄉雷孔縉妻朱氏。賊至。隨夫避塘。腹馬腳菴。夫衝散。賊見將污之。朱氏大罵。賊改容誘之。罵愈厲。刀扼其頸。神色自若。遂遇害。年才二十歲。曰鳳感鄉鄧冬發妻李氏。年二十。負子逃竄。遇賊逼污不從。賊揮以刀死。逾日檢屍。子在背。猶生。曰鳳感鄉李盛章女。避匿山中。爲賊所得。逼之。罵賊死。曰大慈鄉梁谷政戶女。性明慧。有器識。字曾氏。子未嫁。賊將入境。女懼侮辱。投江死。年二十歲。曰大慈鄉李壽喜妻曾氏。賊污不從。極口罵詈。被槍死。逾二日檢屍。舌已割去。曰大慈鄉蕭正名妻曾氏。被

賊擄號哭大罵賊怒亂刀刺死曰大慈鄉梁有源女年十九已字龍姓未適而猝被賊掠憤罵之道經河干投水死旬日屍見顏色如生曰南平鄉何善才妻歐氏年十八歲賊至姑方病莫能興歐氏不忍棄去賊見而欲污之不屈死曰南平鄉李眞保女年十四賊至將逼之不從冒刀死曰南平鄉庠生李登榜妻蕭氏年二十一歲爲賊所逼罵不絕口時蕭氏有身賊怒竟剖胎死曰南平鄉厲魁倍女名昭宏年十七歲避賊山顛賊見而追之女投崖死曰南平鄉李士才妻唐氏名桂華年二十五負子避賊賊逼之詈罵不輟母子俱亡曰南平鄉厲彥瑁妻李氏年三十歲亦負子逃難遇賊不屈母子俱殺曰南平鄉雷起樂女年十六歲逃匿山林

賊逼不屈。剖腹死。曰南平鄉顏永祿妻李氏。年四十六歲。偕待字女二十一歲。逃外遇賊。誓不受污。母女俱遭慘殺。曰南平鄉劉興祖妻梁氏。襁負女兒避林埜。賊追逼之。梁氏棄兒道旁。自投河死。曰舜鄉大橋庠生黃朝佐妻翟氏。名晚娥。負子與朝佐同逃於大古源。夫衝散。氏被擄。見逼。拒罵之。賊數刃之去。朝佐旋尋至。聞兒啼聲。則呱呱者在氏旁也。氏身血模糊。呼之不應。朝佐大哭。氏忽醒。曰扶我。哭無益也。手作拒賊狀。遂仆而死。其子乃幸存焉。曰東隅孫貽謀妻朱氏。避賊山中。貽謀被擄。朱氏奔救。賊要於途。強迫之。朱氏以頭觸賊。冒刃死。曰廖定芹妻唐氏。被掠。誓不受辱。投水死。曰鄧胡漢妻黃氏。逃避山林。賊迹得之。脅污不屈。遇害。胡仁代

妻雷氏於己未五月初一日遇匪懼污沒河死

按胡仁代妻雷氏死烈鍾志未載據

採訪稿
附此

庚申死難凡四起七人曰南平鄉唐士興妻李氏攜子避賊不及被執罵不絕口與子俱死曰南平鄉厲際清妻唐氏偕女避賊爲賊所擄逼污不屈俱遇害曰南平鄉唐存仁妻梁氏罵賊不屈亦與女同死曰南平鄉厲繼儀妻黃氏年三十歲賊入室欲逼之不屈自刎死

凡未著年時以拒賊逼死義者十二起十五人曰鳳感鄉李光斗女字人未嫁而病流賊至母及兄扶之避外女曰吾命在旦夕有死而已母請速去毋以女爲念賊旋入門逼之觸階而死曰鳳感

鄉鄧高升妻李氏。賊欲污之。不從。被殺。曰廖時暹妻李氏。年二十歲。拒賊逼。身被數槍。投水乃死。曰黃文琅妻陳氏。流賊擾境。懼污。赴水死。曰劉龍光妻周氏。年三十歲。拒賊逼。攜二子而溺。曰劉程郊妻鳳氏。三十一歲。曰劉程相妻周氏。二十八歲。俱逼賊污。赴水死。曰高賤發妻劉氏。賤發被賊殺。復逼淫。劉氏厲罵之。遇害。曰車冲顏天發妻李氏。攜女避賊。遇害。女年十六。賊欲污之。死拒。賊破其腹。曰車冲雷滿貴女。年十五歲。賊逼淫。不從。亦破腹死。曰劉張誦妻郭氏。年二十六歲。罵賊死。曰陳崇達妻賀氏。拒賊姦死。

鍾志錄貞女烈女節烈婦

凡非遇賊暴而潔身不再適人者曰貞女。爲未昏夫而殉身者爲烈女。夫

死自盡者爲烈婦。